

胡侯輔國侯都尉左右將左右騎君左右譯長各一人
東至都護治所二千二百一十里南至莎車五百六十
里有市列西當大月氏大宛康居道也

尉頭國王治尉頭谷去長安八千六百五十里戶三百
口二千三百勝兵八百人左右都尉各一人左右騎君
各一人東至都護治所千四百一十一里南與疏勒接
山道不通西至捐毒千三百一十四里徑道馬行二日
田畜隨水草衣服類烏孫

前漢書卷九十六上